



Laura Tàunâjik.
Inatsisartuni ilaasortaq
Inatsisartut
/MAANNI

§ 37 nr. 2015-049-imut akissut

Inatsisartut Suleriaasianni § 37, imm. 1 naapertorlugu aalisarnermut tunngasunik apeqquaqarsimavutit. Apeqquut uannut akisassanngortinneqarsimapput.

Apeqquutit:

1. Naalakkersuisut pilersaaruteqarpat Tunumi aalisakkanik tunitsiveqarnikkut ineri-saaqqinnissamut?
2. Aalisakkanik tunitsivik maannakkut matoqqasoq Kuummiuniittoq ammarteqqin-niarlugu naalakkersuisut qanoq iliuseqarniannngillat? Arlaatigulluunniit kingu-mut RG-imut uterteqqinniarlugu qanoq iliortoqaqqinnianngila?
3. Naalakkersuisooqatigiilersut isumaqatigiissutaanni ilanngunneqarsimasoq **“Tu-numi Tasiilap eqqaani Ittoqqortoormiunilu aalisarnermik inuussutissar-siuteqarneq immikkut pilersaarusiugaasumik siuarsarneqassaaq, aalisa-riuteqarnikkut tunitsiveqarnikkullu ineriartortitsiviusumik”** qaqugu pimoo-rullugu suliniutigineqalissava? Qaqugulu piviusunngortinniarneqassava?

Akissutit:

1-imut) Tunumi aalisarnerup ineriartortinnissaanut ilaatigut sinerissap qanittuani misile-raalluni aalisartitsinerit aqutugalugit ineriartortitsinissamut sinaakkutissat sularineri Naalakkersuisut nangissavaat. Naalakkersuisunit pingaartinneqarpoq Tunumi periarfissaasinnaasut misissorneqarnissaat aammalu misissuigineqarsimanngitsuni aalisartoqar-sinnaanerata qulaajarneqarnissaa. Aalisarluni misileraanernit angusat tunitsiveqarnikkut tunngasut ineriartorteqqinnissaanut tunngavigineqarsinnaassapput. Aalisarnikkut ineriartortitseqqinnissaq periarfissaqassappat ingerlatseqatigiiffiit namminersortut Tunumi tunitsiviliorlutilluunniit tunitsivinnik ineriartortitsinissaanissaminnut periarfissinneqassap-pat. Aalisarnerup inuussutissarsiummilu tassani pitsaanerpaamik ineriartortitsinissanut aalisakkallu atorluarnissaanut sinaakkutissaqarnissaaq Naalakkersuisut suliassaraat, minnerunngitsumik periarfissaalersussat atorluarnissaat eqqarsaatigalugit.

2-mut) Kuummiuni tunitsivik Arctic Prime Fisheries-imit pigineqarpoq. Tunitsivik matoq-qasimavoq erngup tunisassiornermi atorneqartussap mingussimanagera aammalu

06-03-2015
Sags nr. 2015-112083
Dok. nr. 1888520

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

naammattunik tunisassiassaqqannginneq pissutaallutik. Imermik pilersuineq aqqissimavoq aammalu imeq pitsaassusissamisut pitsaassuseqaleqqissimalluni, taamaattorli Arctic Prime Fisheries tunitsivimmut tulaassorneqartartut annikippallaanerini sulii unamilligassaqqarpoq. 2014-imi tunisassiassat 52 tonsit tulaanneqarsimapput. Kuummiuni aalisariutit amigaatigineqarput umiatsiaaqqallu ataasiakkaarlutik tulaattagaat annikitsuararsuusarlutik, tulaassinermi ataatsimi 200 kg. ataallugit tulaanneqartarmata. Tunumi aalisarnerup ingerlallualernissaa anguniarlugu Arctic Prime Fisheries aalisartunik nunaqqarfimmilu aqutsisunik oqaloqatiginnittarpoq Sermersooq-imi Inussutissarsionernumut Siunnersuisoqatigiit inussutissarsioneq pillugu isumasioqatigiissitsinissaani peqataasamaarluni, Tunumi aalisarnerup ingerlallualernissaa anguniarlugu. Tunitsiviup ammarneqaaqqissinnaanera Arctic Prime Fisheries-imit ajornartinneqanngilaq, ukiumut aalisakkat 150-200 tonsit tulaanneqartarpata.

Tamatuma saniatigut Naalakkersuisut sulissutiginiarpaat Tunumi aalisarsinnaanissamut periarfissanut naleqqussaanaissaq siunertaralugu aalisariutinik naleqqussaasinnaanissaq siunertaralugu Tunumi umiatsiaaqqatigut aalisariutitigullu pitsanngorsaasinnaanissami pisariaqartitsinerit periarfissarititaasullu qulaajarnissat.

3-imut) Naalakkersuisooqqatigiinnissamik isumaqatigiissummi allassimasutut qinigaaffimmi uani ukiut sisamat ingerlanerani naammassineqartussat immikkoortui ataasiakkaat misissorlugillu piffissalersorneri massakut Naalakkersuisunit suliarineqarput. Naammassiniagassat ataasiakkaat piffissalersorneri aprilip ingerlanerani naammassineqarsinnaanissaat naatsorsuutigineqarpoq.

Inussiarnersumik inuulluaqqusillunga

Karl-Kristian Kruse